



GIPUZKOA



ETA EUROPAR BATASUNA

150. INFORMAZIO BULETINA

> 2019ko abendua



Europar Batasuna
Unión Europea

Fondo Europeo de
Desarrollo Regional (FEDER)
"Una manera de hacer Europa"

Eskualde Garapenerako
Europar Funtza (EGEF)
"Europa egiteko modu bat"

GIPUZKOA



NABARMENDU BEHARREKOA

> **LIFE URBAN KLIMA 2050** europar proiektua klima aldaketaren aurkako ardatz bat izango da Euskadin, Gipuzkoako Aldundia, Naturklima, Donostia, Zarautz, Azti, Teknalia, Tecnun eta beste eragileen partaidetzarekin

LIFE URBAN KLIMA 2050 proiektu bateratzaile edo integratuak Eusko Jaurlaritzaren Ihobe sozietate publikoaren lidergoa izango du. Bere ekintzak kostaldeetan, ibai arroetan eta hiriguneetan burutuko dira. 19,8 milioiko aurrekontuaren barne, 10,2 milioi Europar Batasunak finantzatzeko ditu. 20 erakundek 40 proiektu garatzeko dituzte lurraldea klima aldaketaren eraginetarako egokitzearen. Kopuru honetaz gain, 625 milioi euro gehiago inbertituko dira klima aldaketarekiko egokitze eta arintzezeko ekintzetarako, ekimenean parte hartuko duten hogeit bat erakunde kideek burututa.

Proiektuak KLIMA 2050ren, Euskadiko Klima Aldaketarako Estrategiaren garapena bideratzeko du, negutegi eragineko gasen isurien datuak 2030erako %40an gutxitzea izanik bere helburu nagusia. Euskadi eta Nafarroa izango dira Estatuan tankera honetako proiektuak aurrera eramango dituzten lurralde bakarrak.

Proiektuak 6 erronka definitu ditu klimarekin lotuta: erresilientziarako ekintzak, eredugarritasun publikoa, gako diren sektoreen berrikuntza, jakintza erabakiak hartzeko, partaidetza ereduak eta hiritarren ahalduntzea. 40 tokiz tokiko proiektu izango ditu barne 3 zonalde motatan: kostaldea, ibaien arroak (Deba eta Urumea zehazki, Gipuzkoaren kasuan), eta hiriguneak; haien artean, 7 ekimen pilotu hainbeste udaletan eta zenbait eskualdetan, hala nola Gipuzkoako Debabarrenan.

Debabarrenan hain zuzen ere, "eraztun berdea" garatzeko da, eta Donostian zenbait ekimen: autokontsumozko bat, eguraldiaren larrialdien aurkako neurriak, Artikutzako urtegiko moldaketa bat, eta Errekatxulo inguruan (Añorgan) egingo den beste bat. Zarautzen beste proiektu pilotu bat burutuko da hiri energia sareengan klima aldaketak duen eraginarekin lotuta.

Gipuzkoako Foru Aldundiak honako ekintzetan agertzen da partaidetzat: "Euskadiren klima arriskuaren analisiaren zabalkuntza"; "hiri eta landa inguruen loturaren hobekuntzarako eta lurralde erresilientziarako funtsezko azpiegitura berdea"; "hirigune kostaldearen egokitzapena" (kamaren instalakuntza ekarriko duen beste egitasmo pilotu batekin Zarautzen), eta "klima aldaketaren aurreko gobernantza eredu berrien diseinua". Naturklima Fundazioa azken horretan egongo da, eta baita ere "klima aldaketaren inguruko hub-a, ikuskapen eta monitoretza sistema" izeneko proiektuan.

(informazio +)



> **Gipuzkoako Batzar Nagusietan izan zen Youth 2019 programaren 10 mintegien azkena Europaren politiken inguruan, Aldundiak 600 gazteri horietan parte hartzeko aukera eman baitie Etorkizuna Eraikiz ekimenaren barne**

Olano Batzar Nagusietan izan zen abenduan, Youth 2019 programaren azkeneko saioan parte hartzen. Etorkizuna Eraikiz ekimenaren testuinguruan kokatzen da ekimena, eta Gipuzkoako Foru Aldundiak bultzatzen du, Europar Batasunarekin elkarlanean. Topaketak 40 gazte inguru lurraldeko erakundeetako arduradun nagusiekin elkartu ditu. Ekitaldian Arrasate, Donostia (Nazaret), Zarautz eta Urnietako ikasleak egon dira. Erakundeen aldetik, Markel Olano diputatu nagusiarekin batera, parte hartu du Xabier Ezeizabarrenak, Batzar Nagusietako presidenteak; Eider Mendoza, Gobernantza foru diputatuak; eta foru Ganberan ordezkaritza duten talde ezberdinetako bozeramaileak.

Markel Olano Gipuzkoako diputatu nagusiak gazteei dei egin die "parte hartu, ahaldundu eta pentsamendu kritikoa" garatu dezaten, honela "pertsonek ongizatea eta bizikidetzatza demokratikoarekin amaitzea xede duten korrante populistek aurre egin ahal izateko". Gainera, foru arduradunak nabarmendu du gazteenen parte hartzeak berebiziko garrantzia duela, herritarrak politikarengandik inoiz baino urrunago baitaude, eta beraiei ekarpenekin "oinarritik eraikiko delako Gipuzkoa, Euskal Herria eta Europa: behetik hasi eta goraka".

Azken hilabeteotan, 17 eta 23 urte bitarteko 600 gazte gipuzkoar inguru politikara eta arduradun politikoengana gerturatu dira Youth 2019 programa honi esker. Honela, 10 youthworkshop edo mintegi egin dira lurraldeko herri desberdinetako ikastetxe eta lanbide heziketako zentroetan: Donostia (2 ikastetxe), Urnieta, Zarautz, Eibar, Arrasate eta Tolosa. Hauetan udal arloko eta Aldundiko teknikari eta politikariek hartu dute parte, Europar gaietan aditu diren pertsonekin batera. Topaketa hauetan hautatu dira gaurko batzarrean parte hartu duten ikasleak. Azken ekitaldi honetan, arduradun politikoei galdetu diete kezkatzen dieten gaien inguruan eta, atera dituzten ondorioekin, Europar Batasuna hobetzeko proposamenak biltzen dituen dekalogoak osatu dute. Txosten hau Europako erakundeetara bidaliko da aurki.

Olanok, bere hitzaldian, Youth 2019 programak izan duen ibilbidearen oso balorazio positiboa egin du, bereziki ikastetxe eta formakuntza zentroetan egin diren mintegiak azpimarratuz. Ekimenaren helburua gazteriaren partaidetza sustatzea da, eskubide osozko herritarrak bezala jokatu dezaten. "Aldi berean, politikari eta erabaki hartzearen arduradunekin interakzioa, harremana eta ekimenak partekatzea sustatu nahi da. Azkenik, erakundeek zer egiten duten eta zertarako balio duten ere mahai gaineratu diegu, udaletatik hasi eta Europa mailako erakundeetaraino", esan du foru arduradunak.

(informazio +)



> Gipuzkoako Foru Aldundiak, Donostiako Udalak, arloko Elkargo Ofizialek, ADEGIk eta Euskadiko beste erakundeek sinatu dute, Europako Batzordeari jarraituz, Davoseko adierazpena etxegintza arduratsuaren alde

Euskadiko 17 erakundek arkitekturari eta hirigintzari buruzko Davoseko 2018ko Adierazpenarekiko atxikimendua sinatu dute abenduan Euskadiko Arkitektura Institutuan. Eusko Jaurlaritzak eta Euskal Herriko Arkitektoen Elkargo Ofizialak bultzatutako ekimena da, eta sustapena eman dute ere Gipuzkoa, Bizkaia eta Arabako Foru Aldundiek, Donostia, Bilbo eta Gasteizeko Udalek eta kultura, arkitektura eta hirigintzako beste erakundeekin batera.

Adierazpena Europako Batzordeak, Europako Kontseiluak, Europar Batasuneko Gobernu gehienek eta gobernuz kanpoko erakundeek ere sinatu dute, eta baita UNESCOk, Europako Arkitektoen Kontseiluak edo Espainiako Arkitektoen Kontseilu Gorenak ere, beste batzuen artean.

Adierazpenak aitortzen duenez, eraikitako inguruneak "eragin zuzena" du gure bizitza kalitatean, eta "pertsonen behar sozialei eta psikologikoei" erantzungo dien kalitate handiko ingurune eraikiaren aldeko apustua egiten du, etxebizitza "duin, eskuragarri eta irisgarrien" bitartez

Eraikitako ingurunean "planteamendu berria eta moldagarria premiaz egitea" erreibindikatzen du, ikuspegi kulturalen eta gizarte eta ingurumen arloko iraunkortasunean oinarritutakoa, "Kultura epe laburreko irabazi ekonomikoen gainetik jarritz".

Ekitaldian honako hauek egon dira: Denis Itxaso Gipuzkoako Foru Aldundiko Kultura, Lankidetz, Gazteria eta Kiroletako diputatua; Nekane Arzallus Donostiako Udaleko Hirigintza Iraunkorreko zinegotzia; Gipuzkoako Aparejadore eta Arkitekto Teknikoen Elkargo Ofizialeko burua, hala nola Injenieri Teknikoena, eta Adierazpenari atxikiko zaizkion beste erakundeen ordezkariak.

Euskadiko 17 erakundek sinatu duten dokumentua 2018an bultzatu zuen Suitzako Gobernuak, "Europarako kalitate handiko Baukultur baterantz" izeneko Ondareari buruzko Europako Urtearen barruan. Baukultur terminoak kalitatezko espazio eraikia sustatu beharra aldarrikatzen du, eta baita Europaren kultur nortasun komuna suspertzeko beharra ere. Gainera, "kulturan oinarritutako ikuspegi jasangarriak" oinarri dituen hobekuntza nabarmena aldarrikatzen du.

Adierazpenera atxiki diren 17 erakundeek, eraikitzeko orduan alderdi kulturalak, ingurumenekoak, ekonomikoak eta sozialak kontuan hartzeko konpromisoa erakutsi dute, horiek bultzatuko, garatuko eta hiri-eraldaketen erdigunean jarriko dituzten politika publikoak sustatuz.

(informazio +)



> **Gipuzkoako Foru Aldundia, Europako Batzordeak Euskadiri emandako “Banda Zabalaren 2019ko Saria” lortzeko lan egin duten administrazioen artean da**

Eusko Jaurlaritzak abenduan jaso zuen sari hau, banda zabala ultralasterraren lokarritasun hornikuntzako proiektu publiko bikainak Europa mailan goraipatzen dituen. Euskadiko erakundeek kasuan bereziki landa eremuetan eta aldendutako industrialdeentzako eragin sozioekonomikoko atalean egindako lana azpimarratu du Europak. Europako Batzordeak, premia eta zailtasun horiez guztiez jabeturik, lurralde-oreka bermatzeko eta banda zabal ultralasterreko eskuragarritasuna orokortzeko ahaleginik handiena egiten ari diren eskualdeak saritu nahi izan ditu, eta, aurten, Euskadi saritu du Europan “best practice” gisa identifikatuta dauden bost kategorietako batean. Ingelesez esanda, honako sari hau jaso du Euskadik: “Socio-economic impact in rural and remote areas”.

Europako Batzordeak Gigabit Society izeneko ekimena zuzentzen du. Ekimen horren helburua Europan banda zabal ultralasterreko sareen eskuragarritasuna sustatzea da, 2025. urtera begira. Telekomunikazio-operadoreek ez dute estaldurarik eskaintzen Europako eskualdeetako esparru geografiko osoan, inbertsioak errentagarritasunik handieneko eremuetan egin nahi izaten baitituzte. Hori dela eta, sakabanatuta dauden industrialde eta landa-eremu batzuk eta biztanlegune txiki batzuk banda zabal ultralasterreko zerbitzuen estaldurarik gabe daude.

Eta, kasu horretan, administrazioen jarduketek garrantzi berezia hartzen dute, industria osoak digitalizazioaren aldeko apustu irmoa egitea eta lurralde-orekari eta biztanleen –hiri-eremu batean bizi direnen zein landa-eremu batean bizi direnen– bizi-kalitateari eustea lortu nahi bada bederen. Landa-eremuetan kokatuta dauden enpresen lehiakortasunari eusteko eta deslokalizazioa saihesteko, banda zabal ultralasterreko sareen eskuragarritasuna industrialde handien baldintza beretan eta zerbitzu eta teknologia berdinekin (Big Data, Cloud Computing, Adimen Artifiziala eta abar) bermatu behar da.

Hori dela eta, Eusko Jaurlaritzak, hiru Foru Aldundiekin lankidetzan, Banda Zabal Ultralasterraren Euskal Behatokia sortu zuen (www.euskadibandazabala.eus). Bertan, Euskadiko banda zabaleko sareen egoera monitorizatzen da, eta euskarria ematen zaie administrazio publikoei eta operadoreei sare horiek hedatzeko proiektuetan. Jarraipen horretan oinarrituta, eta operadoreek eremu horietan ez inbertitzeko aipatzen duten errentagarritasun “ekonomikorik” ezari erantzunez, Eusko Jaurlaritzak eta hiru Foru Aldundiek 20 milioi euro baino gehiago bideratu dituzte azken urteetan operadoreei laguntzak emateko, sareak sakabanatuta dauden eremuetan, biztanlegune txikietan eta industrialdeetan heda ditzaten, ekimen pribatuak ez baititu sare horiek inguru horietan hedatuko. Azken batean, inbertsio eta lankidetzaren publiko-pribatua behar izan da inguru horietako biztanleei eta enpresei banda zabal ultralasterreko sareen eskuragarritasuna bermatzeko.

(informazio +)



KOHESIO POLITIKA

> Lurralde Politika eta Europar Funtsei buruzko 2019ko Ekitaldia ospatu da

Azaroaren 25 eta 26an izan zen Espainiako Eskualde Politika eta Europar Funtzen urteroko Ekitaldia, Madrilgo arkitektoen elkargoaren egoitzan. Jardunaldiak 200 erakunde baino gehiagoren ordezkaritza izan zuten, Eskualde Garapenerako Europako Funttsaren (EGEFen) elkarfinantzaketaren kudeatzaile eta onuradunak batuta.

Ekitaldian zehar 22 jarduera egokien adibideak aurkeztu ziren, Autonomia Erkidegoek garatutakoak, hala nola Funtza hauek kudeatzearen arduradun diren bitarteko erakundeen eskutik, hirigintza barneratzailearen arloan, hazkuntza adimendun eta jasangarrian, EGEFak elkarfinantzatzutako proiektuen burupenaren esparruan, hiritarren onurarako zuzenean eragina dutenak.

Bi egun horietan zehar egindako beste jarduera bat izan zen mahainguruena, aipatutako arlo interesgarri horiei buruz, eta hauek udal politiketan nola uztartzearen inguruan.

GERIP/GRECO-AGE izena dauka informazio, publizitate eta komunikaziorako administrazio ezberdinen arduradunek osatutako taldea. Bertako kideek ekitaldian zehar Europako Funtsek elkarfinantzatzutako ekintza hoberenak aurkeztu ziren eta bukaeran bozkatu ziren, hiru sari banatzeko. Hauek Ogasunaren Ministerioak eskaintzen ditu, EGEFaren Kudeaketaren Zuzendariordetza Orokorren bidez.

Lehen saria Iruñeako Txantrea auzoko proiektu batentzat izan zen, energia birgaitzekoa, biomasa bidezko berogailu sare bat sortu duena.

Bigarrena Vespapp mobilerako aplikazioarentzat izan zen, Balear Irletako Unibertsitateko ikertzaile talde batek sortua, asiar liztorra topatu eta kontrolatzeko.

Hirugarrena Andaluziako Gobernuak Osasun eta Familientzako Sailaren tresna digitalentzat izan zen, Zahartze Aktibo eta Osasuntsuaren Sustapena izeneko programa bat hain zuzen ere.

(informazio +)

(Programa)



> **Foru Aldundiak Gipuzkoako Urrezko Domina eman dio Aspegi Elkarteari, Emekin-en kudeatzaileari, emakume ekintzaileen alde Europako Gizarte Funtzaren 2014-2020 Programa Operatiboak %50an finantzatutakoari**

Gipuzkoako Emakume Profesional, Enpresari eta Zuzendarien elkarteak, Aspegik, abenduan jaso zuen Gipuzkoako Urrezko Domina, Markel Olano Ahaldun Nagusiaren eskutik, lurraldearen onurarako erakundeak egindako 21 urteko ibilbidea goraiatuz.

Olanok azpimarratu zuen oraindik badauden ezberditasunak gainditzeko laguntzeak, ahalbidetzen duela emakumeen ekintzailetzarako gaitasuna eta beren ekarpen orokorra gehiago garatu daitezen, Gipuzkoa aberastuz hainbat eratan: ekonomian, lanbide eta orotariko bizitza kalitatean, berrikuntzan, justizian, lehiakortasunean edo aniztasunean.

Domina jaso zuten elkartearen gaur egungo lehendakariak, Nerea Ibáñez-ek, eta hastapeneko sortzaileak, Julia Fernández-ek, Aldundiaren Jauregiko Tronu Aretoan egindako hotsandiko ekitaldi jendetsu batean. Beren elkartearen kide diren 650 emakume baino gehiagori zabaldu nahi izan zioten haiek omenaldia, hala nola Gipuzkoako emakume guztiei.

Bertan izan ziren ordezkatuak Eusko Jaurlaritza, Eusko Legebiltzarra, Gipuzkoako Batzar Nagusiak, enpresagintza erakundeak, Aspegi Sarien izandako hainbat emakume ekintzaile, eta beste pertsona ugari.

Ahaldun Nagusiak azpimarratu zuen bertan "kristalezko sabaia" puskatzeko funtsezkoak direla hezkuntza, emakumeen ikusgarritasuna eta elkarrekiko erantzukizuna lan eta familia uztarketan; baita ere, soldaten jenero arteko arrailari aurre egiteko ikuspegi berriak behar direla.

(informazio +)



EUROPA 2020 ESTRATEGIA

> **“Aldatu errailetara”: Eusko Jaurlaritzak lankidetza akordio bat sinatu du Shift2Rail-ekin, EBean trenbide berrikuntza ekimen nagusiarekin, CAF bere sortzaileen artean duena eta lankidetzat Gipuzkoako beste hainbat enpresa**

Duela gutxi, Jaurlaritzak “ulertze memorando” bat edo elkarlan akordio bat sinatu du Shift2Rail-ekin. Europako Batzordeak 2014tik aurrera bultzatzen ari izan da trenbideetarako berrikuntza proiektu estrategiko hau, EBean nagusia, eta 920 milioi euroko aurrekontua daukana.

CAF, Gipuzkoako enpresa handia eta nazioarteko jarduerakoa, proiektu horren 7 sortzaileen artean dago, eta proiektuaren ohiko lankide diren enpresen artean ere, badaude gure lurraldeko eta Euskadi osoko beste enpresa, unibertsitate eta erakunde. Gipuzkoan egoitza badaukatenen artean adibidez, Tecnalia, CEIT edo UPV-EHU.

Lankidetza hau trenbide arloko Euskadiren erronketarako oso aurrerapen nabarmentzat hartzen da, hala nola loturik dagoen sektore osoarentzat.

(informazio +)



> **Gipuzkoako Foru Aldundia COP25 Klimazko Munduko Goi Bileran, Madrilen: EBaren 2020 helburuetatik GK2050 estrategiara**

Jose Ignacio Asensio Ingurumeneko eta Obra Hidraulikoetako diputatuak abenduan Madrilén egin den klima aldatetari buruzko Nazio Batuen COP25 Konferentzian parte hartu du, eta bertan aurkeztu ditu, batetik, klima aldatetaren Gipuzkoako estrategia -GK2050-, eta, bestetik, bere ekintza planean hartutako konpromisoak, zeinetan 114 milioi euro inbertituko baitira 2018-2022 aldian. Helburua da Gipuzkoak berotegi efektuko gasen isurketak % 40 murriztea 2030 urtea baino lehen, eta 2050. Urterako, % 80. Hori lortzeko, ekintza planak 9 helburu eta 99 ekintza aurreikusten ditu hainbat arlotan, hala nola energia, mugikortasuna, hiri hondakinak, arriskuen prebentzioa, natura ingurunea, nekazaritza eta sektore publikoa.

Asensioek bere hitzaldian adierazi duenez, ikasteko asmoz jo du Gipuzkoak COP25era, bere politika klimatikoak aberasteko asmoz, baina baita ere erakusteko posible dela klimaren erronkari tokian tokiko erantzun zehatz bat ematea. Gipuzkoaren kasuan, foru arduradunak azpimarratu du aurrerapauso oso garrantzitsuak eman direla gure lurraldean: GK2050 estrategiaren onarpena, Naturklima fundazioaren sorrera eta datozen hiru urteetarako 113 milioi eurotik gorako inbertsioak konprometitzen dituen ekintza plan baten definizioa. "Adierazpenetatik harago joateko garaia iritsi da, klimarekiko konpromiso politikoa aurrekontu, arau eta ekintza zehatzekin erakusten baita. Eta hori da Gipuzkoak hartu duen bidea», esan du Asensioek.

Ingurumeneko foru diputatuak COP25en Gune Berdean eman du bere hitzaldia. Konferentziaren gune hau elkarriketarako, sentsibilizaziorako eta erabaki partekatuak hartzeko leku irekia da, eta bertan bateratu egiten dira tokiko gobernuen, erakunde publiko eta pribatuen, ekintzaileen, GKEen, enpresen, unibertsitateen, herri indigenen eta gazteen proposamenak eta parte-hartzeak. Gune honetan parte hartzen dutenek galdera honi erantzun behar diote: Zer adibide edo ekintza zehatz egiten dituzu zuk edo egiten ditu zure erakundeak 2050erako karbonoan neutroa eta klimarekiko erresilientea den planeta bat lortzeko?

Bere azalpenean, Asensioek GK2050 estrategiaren lehentasunezko jarduera eremu gisa aipatu ditu mugikortasuna eta energia berriztagarrien erabilaren hedapena; horiek, berez, emisio guztien bi heren sortzen dituzte (garraioak % 38; energiak % 27). Definitu den ekintza planak garraio publikoaren alde egiten du, tren lehenetsiz, eta Lurraldebuseko autobus flotaren elektrifikazioaren alde. Aldi berean, Gipuzkoa Argitut prestakuntza ematen du, kontsumitzaileen artean aurrezpen eta eraginkortasun energetikoa bultzatzeko; gainera, eskualdeekin jasangarritasun energetikoko planak egiten ari dira. Soilik bi arlo horietan, aurreikusitako inbertsioak 75 milioi eurotik gorakoak dira, eta kopuru horretatik 64 milioi mugikortasunaren arlora bideratuko dira.

(informazio +)



> **Gipuzkoako teknologia korporazio nagusiak izan ziren COP25 Munduko Klimarako Goi Bileran, mugikortasun jasangarriko eta energia eraldaketako paneletan, eta bertan aurkeztu zen ere Europako Batzordearen "Itun Berdea"**

Abenduaren 11an, Euskadiko 40 eragile inguru izan ziren Madrilen Klimaren COP25 Goi Bileran lan saioetan parte hartzen; Eusko Jaurlaritzaren eskutik, enpresak, klusterrak edo teknologia guneak egon ziren bertan, haietariko asko Gipuzkoakoak.

Adibidez, mugikortasun jasangarriko panelean Ibil enpresak parte hartu zuen, ibilgailu elektrikorako birkargatze teknologien garatzailea; energia eraldaketaren negozio aukeren saioan, beste batzuen artean, Mondragon Korporaziokoa den Krean injeniaritza enpresa.

Haietaz aparte ere, Mendaron bere egoitza ezarri duen Basque Research & Innovation Alliance-ko, BRTAko zenbait teknologia guneek parte hartu zuten, hala nola Tecnalía, Tekniker edo Vicomtech; GAIA bezalako klusterrak; eta Gipuzkoan ere egoitzak dauzkaten enpresa handiak, hala nola CAF, Gestamp, Iberdrola, Idom edo Irizar, beren ekarpenak elkarrekin partekatu ondoren eta beste zenbait euskal eragileekin.

Arantxa Tapiak, Eusko Jaurlaritzako Ekonomiaren Garapenerako eta Azpiegituretako sailburuak adierazi zuen, Euskadiren 2030rako Energia Estrategia, Energiaren Euskal Erakundeak zuzendutakoa, Europar Batasunaren irizpideekin guztiz bat datorrela.

Europako Batzordeak, bere "Green Deal" proposamena (Itun Berdea) aurkeztu zuen Madrilen hiritarrek in partekatzeko, eta bertan ekonomiaren deskarbonizazioa epe luzeko hazkuntza eta enplegua bermatzeko aukera bezala probetxatu ahal dela esan zuen, Europan industria eredu berri bat ezartzen bada, gizarte, ingurumen eta ekonomiarentzat era arduratsuan balioa sortu ahal duena.

(informazio +)



DOKUMENTU INTERESGARRIAK

> “EuroBasque (1947-2018). Euskal ekarpena europar federalismoan” liburuaren aurkezpena

Azaroaren 25ean, astelehena, 18:00etan, Bilboko Carlton hotelean, Alexander Ugalde Zubiri jaunaren “EuroBasque (1947-2018). La contribución vasca al federalismo europeo” (EuroBasque (1947-2018). Europako federalismoari euskaldunek egindako ekarpena) liburua aurkeztu zen.

Euskal mugimendu europeistaren 70 urteko ibilbidea biltzen du liburuak, 1947tik gaur egunera arte, baina arreta berezia jarrita azkeneko 20 urteetan, eta egile beraren “El Consejo Vasco del Movimiento Europeo (1951-2001)” liburuaren jarraipena da.

Bakartxo Tejeria Otermin Eusko Legebiltzarreko lehendakari andreak eman zion amaiera aurkezpen ekitaldiari, eta bertan izan zituen ere José María González Zorrilla EuroBasqueko presidente jauna eta Mikel Antón Zarragoitia Eusko Jaurlaritzako Europako Gaietarako zuzendari jauna.

EuroBasque Europako Mugimenduaren Euskal Kontseiluak aktiboki parte hartzen du Nazioarteko Europar Mugimenduan eta 70 urte baino gehiago daramatza euskal kultura, ekonomia, historia eta balio demokratikoak sustatzen Europa federalista berri baten parte gisa, bertako identitate guztiak integratu eta haiei ahotza emateko.

(informazio +)



EUROPAKO DEIALDIAK

> Erasmus+. Gazteriaren ahalmenen garapenerako ekimenak, 2020.

1. Ekintza: ikaskuntzarako mugikortasuna, Erasmus Mundun elkarrekiko master graduak barne
2. Ekintza: elkarlana, berrikuntza eta praktika egokiak. Hezkuntza, prestakuntza, sektorekako ahalmenak, gazteria, ezagutza, arloko lankidetzak. Unibertsitateak.
3. Ekintza: Politeken moldaketa. Gazteriazko Elkarrietzeta Proiektuak.

Jean Monnet jarduerak: katedrak, moduluak, sareak, proiektuak, bikaintasun guneak, elkarreentzako sustapena.

Epemuga: 2020.02.05ra arte.

[\(informazio +\)](#)

> Erasmus+. Politika publikoak.

Politiken berrikuntza saiakerak hezkuntza eta prestakuntza arloan, goi agintaritzen eskutik.

Epemuga: 2020.04.21ra arte.

[\(informazio +\)](#)



> **Horizon 2020 – Eguzki energia**

Eguzkiaren energia Termikoaren Kontzentrazioarako Teknologiaren arloko (STCKo) eta Eguzkiaren Kimikako 15 ikerketa azpiegituretarako Nazioarteko Sarbiderako bigarren deialdiaren jakinarazpena. Europako eta Europaz kanpoko ikertzaileei zuzendua. SFERA-III Proiektua.

Epemuga: 2019.11.12 –2020.01.31

[\(informazio +\)](#)

> **Horizon 2020 – Neurozientziak**

Mugaz gaindiko proiektuetarako deialdiaren aurre - iragarpena. ERA-Net Cofund NEURON sarea: neurozientzien ikerketazkoa. Estatuko Ikerketa Agentziaren Partaidetzarekin.

Epemuga: 2020.01.08 – 2020.03.10

[\(informazio +\)](#)

> **Horizon 2020- IKTen epe luzeko erronkak**

Mugaz gaindiko proiektuetarako deialdi jakinarazpena. ERA-Net CHIST-ERA sarearen barnekoa: Informazio eta Komunikaziorako Teknologiai buruzko ikerketazkoa. Estatuko Ikerketa Agentziaren Partaidetzarekin.

- Makina ikaskuntzan oinarritutako Adimen Artifiziala.
- Ingurumen jasangarritasunerako konputazioa.

[\(informazio +\)](#)

[“EUROPAKO FUNTSAK GIPUZKOAN” webgunea](#)